



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-043-4/23**
Datum: **17.03.2023. god.**

«Agencija za vodno područje rijeke Save» Sarajevo rješavajući po podnesenom zahtjevu od strane pravnog lica „LISKOVAČKI KAMEN“ d.o.o. Cazin za izdavanje vodne dozvole za ispuštanje oborinskih onečišćenih voda i aktivnosti koje mogu imati specifične utjecaje na vode sa lokacije površinskog kopa kamenoloma „Osoje“, lociranog na području naselja Liskovac, grad Cazin, na osnovu člana 109. stav (1) tačka 2. i stav (2) Zakona o vodama („Službene novine Federacije BiH“, broj 70/06) i člana 218. stav (1) Zakona o upravnom postupku („Službene novine Federacije BiH“, broj 2/98, 48/99 i 63/22), donosi

ZAKLJUČAK

1. Odbacuje se zahtjev pravnog lica „Liskovački kamen“ d.o.o. Cazin za izdavanje vodne dozvole za ispuštanje oborinskih onečišćenih voda i aktivnosti koje mogu imati specifične utjecaje na vode sa lokacije površinskog kopa kamenoloma „Osoje“, lociranog na području naselja Liskovac, grad Cazin, zbog nepostojanja uslova za vođenje upravnog postupka od strane ove Agencije, odnosno zahtjev je preuranjen.

Obrazloženje

Pravno lice „Liskovački kamen“ d.o.o. Cazin je dana 03.02.2023. godine obratilo se ovoj Agenciji sa zahtjevom za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične utjecaje na vode sa lokacije površinskog kopa kamenoloma „Osoje“, lociranog na području naselja Liskovac, grad Cazin;

U provedenom postupku dostavljena je i pregledana sljedeća dokumentacija:

- Kopija rješenja o registraciji privrednog društva;
- Kopija rješenja o poreznoj registraciji;
- Kopija rješenja o dodijeljenom identifikacionom broju;
- Kopija rješenja o građevinskoj dozvoli broj: 03-238/99, od 12.04.1999. godine;
- Kopija Ugovora o koncesiji broj: KU 037/2013, od juna 2013. godine; izdato po ovlaštenju Vlade USK, ovlaštenje za Ministarstvo privrede;
- Kopija Odluke o dodjeli koncesije na eksploataciji krečnjak tipa liskovački kamen na lokalitetu „Osoje“ liskovac u Općini Cazin, broj: 46/13 od 19.06.2013. godine, izdata od strane Vlade Unsko-Sanskog kantona;
- Kopija rješenja o odobrenju za površinsku eksploataciju mineralne sirovine – krečnjaka „liskovački kamen“ broj: 06-18-17808-UP-1/2014, od 16.02.2015. godine, izdato od strane Ministarstva privrede Vlade Unsko-Sanskog kantona;
- Kopija Rješenja kojim se dozvoljava izvođenje radova po glavnom rudarskom projektu eksploatacije krečnjaka na kamenolomu „Liskovac-Osoje“ kod Cazina broj: 06-18-9842-UP-1/2015 od 11.03.2016. godine, izdato od strane Ministarstva privrede Vlade Unsko-Sanskog kantona;
- Kopija Rješenja o vodnoj dozvoli broj: UP-I/25-3-40-255-9/19 izdatog dana 17.07.2019. godine od strane «Agencije za vodno područje rijeke Save» Sarajevo;
- Dokaz o uplati upravne pristojbe.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Uvidom u dostavljenu dokumentaciju i obilaskom lokaliteta pravnog lica, sačinjen je i zapisnik o uviđaju na licu mjesta dana 16.03.2023. godine pod brojem: UP-1/21-3-40-043-3/23. Utvrđeno je da podnosilac zahtjeva posjeduje vodnu dozvolu izdatu od strane ove Agencije dana 17.07.2019. godine, sa rokom važenja do 19.12.2023. godine.

Kako je ranije izdata važeća vodna dozvola od strane ovog organa, predmetni zahtjev za izdavanje nove vodne dozvole se zaključkom odbacio kao preuranjen. Iz razloga naprijed navedenih, a u skladu sa odredbama člana 218. Zakona o upravnom postupku i člana 109. stav (1) tačka 2. i stav (2) Zakona o vodama («Službene novine Federacije BiH», br. 70/06), riješeno je kao u dispozitivu ovoga zaključka.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema zaključka.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:
Fuad Mujagić, dipl.inž.

za Po ovlaštenju
Rukovodilac sektora za izdavanje
vodnih akata


Haris Ališehović, dipl.inž.građ.

Dostaviti:

- „LISKOVAČKI KAMEN“ d.o.o. Cazin, Liskovac bb, 77220 CAZIN,
- AVP Sava, ISV-vodna knjiga
- ⊙ Sektor 40 – arhiva
- Oglasna ploča – AVP Sava